

Ukiumi missingersuusiorfiusumi 2016-imi ataatsimoortumik tapiissutissanut ilassutitut isumaqatigiissut

1. Aallarniut

Ukiumut missingersuusiorfiusumut 2016-imut ataatsimoortumik tapiissutissanut ilassutitut isumaqatigiissut una tassaavoq ”Ukiumi missingersuusiorfiusumi 2016-imi kommuninut ataatsimoortumik tapiissutissanut isumaqatigiissummut” illuatungeriit ulloq 8. juli 2015 atsiugaannut ilassut. Taamaasillunilu kommuninut 2016-imi ataatsimoortumik tapiissutissat tunngaveqarput ataatsimoortumik tapiissutissanut 8. juli 2015 isumaqatigiissummik uuminngalu ilassutitut isumaqatigiissummik.

2. Ataatsimut

Inatsisartut inatsisaannik nutaanik, Inissiani attartortittakkani ineqarnermut tapiissutit pillugit inatsit, Utoqqalinermi pensionisiat pillugit inatsit aamma siusinaartumik pensionisiaqartarnej pillugu Inatsisartut inatsisaannik akuersissuteqarnerit
Inatsisartut 2015-imi ukiakkut ataatsimiinneranni Naalakkersuisut inatsisissanik ukuninnga saqqummiussaqqarput:

- Inissiani attartortittakkani ineqarnermut tapiissutit pillugit Inatsisartut inatsisissaattut siunnersuut, imm. 161-imi
- Utoqqalinersiaqarnej pillugu Inatsisartut inatsisissaattut siunnersuut, imm. 160-imi
- Siusinaartumik pensionisiat pillugit Inatsisartut inatsisissaattut siunnersuut, imm. 98-imi.

Inatsisissatut siunnersuutitpingasuusut taakkua pingajussaaneernejassapput tallimangornermi 13. november 2015.

Ineqarnermut tapiissutit pillugit inatsisissatut siunnersuut aamma utoqqalinersiaqarnej pillugu inatsisissatut siunnersuut atortuulissapput 1. januar 2016, siusinaartumillu pensionisiat pillugit Inatsisartut inatsisissaattut siunnersuut 1. juli 2017 atortuulissaluni. Inatsisartut inatsisissaat nutaat pineqartut kommunit aningaasaqarnerannut sunniuteqarput, taamaattumillu ilassutit isumaqatigiissut una illuatungeriinnit isumaqatigiissutigineqarpoq.

Ineqarnermut tapiissutit

Inatsisartut ineqarnermut tapiissutininut inatsisaat kinguneqassaaq siunissami innuttaasup piffissami pineqartumi isertitai ineqarnermut tapiissutissanik naatsorsuinermi tunngavigineqartalissammata. Inatsisitoqqami ineqarnermut tapiissutissat naatsorsorneqartaraluarput amerlasuutigut isertitanut tunngasumik paasisutissat nutaanngilereersut naapertorlugit.

Inatsisartut inatsisaata nutaap akuersissutigineqannginnerani ineqarnermut tapiissutitut aningaasartuutissatut missingersuusiat Namminersorlutik Oqartussanut aamma Kommuninut ataatsimut 112,5 mio. kr.-inik annertussuseqaralarput. Inatsisartulli inatsisaata nutaap akuersissutigineqarneratigut nalilerneqarpoq aningaasartuutissanut missingersuusiat 100,0 mio. kr.-inut apparneqarsinnaasut, taamalu Namminersorlutik Oqartussanut aamma Kommuninut ataatsimut 12,5 mio. kr.-inik sipaaruteqartitsillutik.

Ineqarnermullu tapiissutitut aningaasartuutit 60/40 %-imik tunngaveqartumik Namminersorlutik Oqartussanit aamma Kommuninut aningaasalersorneqartarmata naatsorsuutigineqarpoq tamanna kommuninut 5,0 mio. kr.-inik sipaaruteqarfiussasoq.

Illuatungeriillu tamanna tunuliaqutaralugu isumaqatigiissutigaaq ataatsimoortumik tapiissutit 2016-imiit 5,0 mio. kr.-inik annikillineqassasut, nutaamik inatsisiliorneq tunngavigalugu.

Taamaasillunilu kommuninut ataatsimoortumik tapiissutit ilaqassapput 40 mio. kr.-inik kommunit ineqarnermut tapiissutitut aningaasartuutaannut aningaasalersuutissatut. Kisitsimmit tamatuminnaga nikingassutaasut kommunillu ineqarnermut tapiissutitut aningaasartuutaat eqqortut sulii akilerneqartassapput ukiumoortumik illuatungeriit ataatsimoortumik isumaqatigiissutigisartagaat aqutigalugit.

Utoqqalinersiutit

Inatsisartut utoqqalinersiutitut inatsisaat toqqaannartumik aningaasaqarnikkut kommuninut kinguneqartussaangilaq, kommuninut ataatsimoortumik tapiissutitut allannguissamut tunngavissiiisumik.

Taamaattoq utoqqalinersiutit pillugit Inatsisartut inatsisaat imaqarpoq aalajangersakkamik maanna utoqqalinersiuteqalerternermut 65-inik ukioqarnissaq 66-inik ukioqarnissamut 1. januar 2017 aallernerfigalugu qaffanneqassammat. Kiisalu ukiut utoqqalinersiuteqalerfiussat 67-inut qaffanneqassapput 1. januar 2021 aallernerfigalugu.

Ukiut soraarnerussutisiaqarfiulersartut qaffanneqarnerat siusinaartumik soraarnerussutisiaqartarnermut kommuninut aningaasartuuteqarnerulermik kinguneqassaaq, tamannalu immikkoortumi tullermi siusinaartumik pensionisiaqalerternermut tunngasumi sammineqassaaq.

Siusinaartumik pensionisiaqalerterneq

Siusinaartumik pensionisiaqalerterneq pillugu Inatsisartut inatsisaat kinguneqassaaq siusinaartumik pensiuunisiaqartut sulisinnaassutsiminnik iluaquteqaannarnissaannut qiimmassaanermik, taamalu namminerisaminnik isertitaqarsinnaanerannik, tamatumuunalu pilersugaaginnarnermiit alloriartoqarsinnaalluni. Inatsisartulli inatsisaat nutaaq aqutigalugu

naatsorsuutigineqarpoq siusinaartumik pensionisianut aningaasartuutit ukiuni aggersuni annikillisinneqarsinnaasut.

Inatsisartut inatsisaat nutaaq kinguneqassaaq siusinaartumik pensionisiassatut akuersissutigineqartartut inunnut 60-it inorlugit ukiulinnut nalilersoqqinneqartalernissaannik, sivilunerpaamik ukiut tallimakkaartumik. Siusinaartumik pensionisianik nutaamik nalilersuisarnermik suliaqarnermut kommunit aningaasartuutaat matussuserneqassapput. Illuatungeriillu isumaqatigiissutigaaq ataatsimoortumik tapiissutit 2016-imi 1,6 mio. kr.-inik aamma piffissami 2017-2020-imi ukiumut 3,2 mio. kr.-inik qaffanneqassasut. Piffissaq 2020-ip tungaanut piffissatut ikaarsaariarfittut isigineqarpoq, immikkut sulianik ingerlatsinerneq ilassutinik suliaqarfiusartutut, siusinnaartumik pensionisianik nalilersueqqittarnermut atatillugu.

Piffissami ikaarsaariarfiusumi naatsorsuutigineqarpoq siusinaartumik pensionisiallit 15 %-ii siusinnaartumik pensionisiaqartarunnaassasut. Tamatuma siusinnaartumik pensionisiaqartitsinerneq aningaasartuutit malunnaatilimmik annikillisissavaat.

Illuatungaani siusinnaartumik pensionisiaqartarnerup maanna 65-inik ukioqarnermiit 66-inut ukioqarnermut 1. januar 2017-imiit aamma 67-inik ukioqarnissamut 1. januar 2021-imiit qaffanneqarnissaa siusinnaartumik pensionisianut kommunit aningaasartuuteqarnerulernerannik kinguneqassaaq, takuuk utoqqalinersiutitut tunngasumik immikkoortoq.

Siusinnaartumik pensionisiaqarnermut Inatsisartut inatsisaata atortuulerneratigut siusinnaartumik pensionisiaqartarnermut tunngasumik aaqqissuussineq nutaanngitsoq atorunnaarsinneqassaaq, siusinnaartumik pensionisiaqarnermut 1. januar 2002 sioqqullugu akuersissutigineqarsimasunut aningaasartuut 90 %-ii Namminersorlutik Oqartussanit aamma 10 %-ii kommuninit aningaasalersorneqartarmata. Tamatumunnga taarsiullugu siusinnaartumik pensionisiaqarnermut aningaasartuutit siunissami 50 %-imik Namminersorlutik Oqartussanit aamma 50 %-imik kommuninit aningaasalersorneqartalissapput.

Kommunit siusinaartumik pensionisiaqartitsinerneq aningaasartuutaat matussuserneqartarput 80 %-imik, kommuninit ataatsimoortumik tapiissutinut qaffaatitsigut. Ataatsimoortumik kommuninit tapiissutitsigut matussusiisarnikkut kommunit siusinaartumik pensionisianut ataatsimut aningaasartuutit tamarmiusut 10 %-ii aningaasalersortarpaat.

Tamanna tunuliaqutaralugu illuatungeriit isumaqatigiissutigaaq ataatsimoortumik tapiissutit 8.659.000 kr.-inik qaffanneqassasut 2016-imi aammalu 13.659.000 kr.-inik qaffanneqassasut 2017-imi.

Taamaasilluni kommuninit ataatsimoortumik 2016-imi tapiissutit 90 mio. kr.-inik aamma 2017-imi 95 mio. kr.-inik ilaqassapput, kommunit siusinnaartumik pensionisiaqartitsinerneq

anigaasartuutaannut matussutaasussanik. Nikingassutaasullu anigaasaliissutinit pineqartuniit kommunit siusinnaartumik pensionisianut anigaasartuutivigisaannut aamma siunissami ukiumoortumik tapiissutitsigut inaarutaasumik akilerneqartassapput.

Kiisalu inatsisip kingunerisaanik Naalakkersuisut siusinnaartumik pensionisaqartitsinermut maalaaruteqartarfimmik arlaannaannulluunniit pituttorsimanngitsumik namminerisamillu ingerlasuusumik pilersitsissapput, maalaarutaasunik aammalu sulisinnaasutsimik nalilersuinernik suliaqartartussamik. 2016-imut anigaasanut inatsimmi qinnutigineqarput 0,6 mio. kr.-it, 2017-imiillu 1,2 mio. kr.-it immikkoortinneqarnissaat.

Kiisalu Naalakkersuisut kissaatigaat piffissap ilaani sulisarsinnaanermut aaqqissuussinermik – fleksjob – pilersitsinissaq, siusinnaalluni pensionisiaqartup sulliviginnaasaanik. Piffissap ilaani sulisinnaanermik aaqqissuussinerup nukittorsassavaa siusinaarluni pensionisiaqartup sulisinnaasutsiminik atuisinnaanera taamalu namminerisaminik isertitaqarsinnaanera, taamalu siusinnaartumik pensionisiaqartitsinermut anigaasartuutit ukiuni aggersuni 2016-imut anigaasanut inatsimmi tunngaviusutut annikinnerulersinneqarsinnaaqullugit. 2016-imut anigaasanut inatsimmi anigaasaliissutinik immikkoortitsisoqarpoq kontomi pingaarnermi 20.11.70 Sillimmatit, suliniutinut nutaanut atorneqartussanik, 1. juli 2016 aallarnerfigalugu piffissap ilaani sulisinnaanermut aaqqissuussinernut atorneqartussanik. Tamatumunnga kommunit 2016-imi anigaasartuutissaat naatsorsuutigineqarpoq 100.000 kr.-it missaanniissasut. Kommunit piffissap ilaani sulisarnermik aaqqissuussinermut anigaasartuutaat 2017-imi ataatsimoortumik tapiissutit aqutugalugit matussuserneqarumaarput, taamanikkussamut naatsorsuutigineqarmat piffissap ilaani sulisarnermut aaqqissuussinermut inatsisiliorneq inissaminut inissinneqareersimassasoq

Tamanna tunuliaqutaralugu illuatungeriit isumaqatigiissutigaaq ataatsimoortumik tapiissutit ataatsimut qaffanneqassasut 10.259.000 kr.-inik 2016-imi aamma 16.859.000 kr.-inik 2017-imiit, siusinnaartumik pensionisiaqarnermut inatsit nutaaq tunngavigalugu.

3. Pissutsit allat

Isumaqatigiissuteqarnermi tunuarsimaarutit

Ataatsimoortumik tapiissutissanut isumaqatigiissut una Namminersorlutik Oqartussat kommunillu akornanni isumaqatigiissutigineqartoq anigaasaliissutinik akuersissuteqartartut akuersinissaat apeqqutaatillugu isumaqatigiissutigineqarpoq, aammalu siusinnerusukkut eqqaaneqartut Inatsisartut inatsisissaasa pingasut maannakkutut isikkoqarlutik akuersissutigineqarnissaat naatsorsuutigalugu.

Illuatungeriit isumaqatigiissutigaaq, 2017-imut ataatsimoortumik tapiissutissat pillugit isumaqatigiinniarnert kingorna nalilersuisoqaqqissinnaasoq siusinaartumik pensionisiaqartitsisarnermut ilassutitut anigaasaliissutaasut, aamma piffissap ilaani suliffeqartarsinnaanermik aaqqissuussinissamut siusinaartumik pensionisiaqartut eqqarsaatigalugit immikkoortinneqartunut tunngatillugu, 2016-imi anigaasanut inatsimmi

kontomi pingaarnermi 20.11.70 Sillimmatini immikkoortinneqartut eqqarsaatigalugit, suliniutinut nutaanut imaluunnit kommuninut ilassutitut aningaasaliissutissat eqqarsaatigalugit, siusinnaartumik pensionisaqartitsisarnermut inatsit nutaaq, utoqqalinersiutinut inatsit nutaaq aamma ineqarnermut tapiissuteqarnermut inatsit nutaaq eqqarsaatigalugit, 2016-imi aningaasanut inatsimmi kontomit pingaarnermut 20.05.31 Sillimmatit, aningaasalersorneqartut kommunini aningaasartuutaanerusussat eqqarsaatigalugit.

Nuuk, ulloq 13. november 2015.



Vittus Qujaukitsog
Aningaasaqarnermut,
Aatsitassarsiornermut
Nunanullu Allanut Naalackersuisoq



Palle Jeremiassen
Kalaallit Nunaanni
Kommunit kattuffianni
siulittaasoq